



JAVNA USTANOVA  
**DOM ZDRAVLJA**  
ZAVIDOVIĆI

*Gazi Husrev-begova 25*

*tel.(032)878-877*

*fax (032)879-088*

*e-mail: polikzav@bih.net.ba*

*web : www.dzzavidovici.ba*

*Identifikacioni broj: 4218122690008*

*PDV broj: 218122690008*

*Žiro računi : ASA Banka d.d. Sarajevo : 134030000007482*

*Raiffeisen bank d.d. BiH Sarajevo – filijala Zenica : 1610550009120069*

---

---

## UPRAVNI ODBOR

Broj:01-2.16-1921/23

Datum:15.5.2023. godine

Upravni odbor JU „Dom zdravlja“ Zavidovići na osnovu člana 38. Statuta JU „Dom zdravlja“ Zavidovići i člana 70. i 89. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14), na svojoj 49. sjednici održanoj dana 15.05.2023. godine, donosi

### ODLUKU

o izboru najpovoljnijeg ponuđača za nabavku reagenasa za biohemijski analizator BT 4500  
-LOT 1 – REAGENSI ZA BIOHEMIJSKI ANALIZATOR BT 4500

#### Član 1.

Okvirni sporazum za nabavku reagenasa za biohemijski analizator BT 4500 LOT 1 – REAGENSI ZA BIOHEMIJSKI ANALIZATOR BT 4500 za JU «Dom zdravlja » Zavidovići dodjeljuje se ponuđaču Broma-bel d.o.o. Banja Luka.

#### Član 2.

Ponuda ponuđača Broma-bel d.o.o. Banja Luka u provedenom konkurentskom zahtjevu za dostavu ponuda bila je prihvatljiva ponuda i imala je najnižu cijenu, te će se ovom ponuđaču ponuditi Okvirni sporazum za nabavku reagenasa za biohemijski analizator BT 4500- LOT 1 – REAGENSI ZA BIOHEMIJSKI ANALIZATOR BT 4500 u ukupnom iznosu od **34.452,38 KM bez PDV-a**, što sa PDV-om iznosi 40.309,28 KM.

#### Član 3.

Izabrani ponuđač **ne mora dostaviti** original ili ovjerene fotokopije sljedeće kvalifikacione dokumentacije:

- a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,
- c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.
- d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza,
- e) Rješenje o registraciji ili aktuelni izvod iz sudskog registra,
- f) Potvrda (Rješenje) o upisu u registar proizvođača ili veletrgovaca medicinskih sredstava izdato od Agencije za lijekove i medicinska sredstva BiH.

#### Član 4.

Izabrani ponuđač ne mora dostaviti original ili ovjerene fotokopije dokumentacije iz člana 3. ove odluke iz razloga jer je u ponudi dostavio ovjerene fotokopije sljedećih dokumenata:

- a) Uvjerenje suda Bosne i Hercegovine, br. Su:03-2031/23 od 10.03.2023. godine, da protiv ponuđača nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca, a sve u smislu člana 45. stav 2. tačka a) Zakona o javnim nabavkama – ovjerena fotokopija od 25.04.2023. godine,
- b) Uvjerenje Osnovnog suda Banja Luka br.071-0-Su-I-23-001063 od 13.03.2023. godine da protiv ponuđača nije podignuta optužnica koja je stupila na pravnu snagu i nije izrečena pravosnažna presuda za krivično djelo učešća u kriminalnoj organizaciji, za korupciju, prevaru ili pranje novca – ovjerena fotokopija od 03.05.2022. godine,
- c) Uvjerenje Okružnog privrednog suda u Banja Luci br. 057-0-SU-II-23-0533 od 09.03. 2023. godine, da ponuđač nije pod stečajem niti je predmet proglašenja stečajnog postupka, nije predmet postupka likvidacije, niti je u postupku obustavljanja poslovne djelatnosti u smislu člana 45. stav 2. tačka b. Zakona o javnim nabavkama – ovjerena fotokopija od 25.04.2023. godine,
- d) Poresko uvjerenje br.06/1.02/0704-455.2.1-21773/2023 od 14.03.2023. godine da je ponuđač izmirio sve dospjele poreze, doprinose na lična primanja (doprinosi za PIO, zdravstenu zaštitu, za zapošljavanje i dječiju zaštitu) i sporedna poreska davanja – ovjerena fotokopija od 25.04.2023. godine,
- e) Uvjerenje Uprave za indirektno oporezivanje – Regionalni centar Banja Luka, br. 02/6/I-16-11-21-1441-2/23 od 08.03.2023. godine, da ponuđač nema dospjelih a neizmirenih obaveza po osnovu indirektnih poreza, ostalih prihoda i taksi – ovjerena fotokopija od 25.04.2023. godine,
- f) Aktuelni izvod iz sudskog registra od 10.03.2023. godine – ovjerena fotokopija od 25.04.2023. godine,
- g) Rješenje o upisu u registar veleprometnika medicinskih sredstava izdato od Agencije za lijekove i medicinska sredstva BiH, broj: 10-07.12-2-8412-1/18 od 22.01.2019. godine – ovjerena fotokopija od 25.04.2023. godine,
- h) Rješenje o izmjeni rješenja o upisu u registar veleprometnika medicinskih sredstava izdato od Agencije za lijekove i medicinska sredstva BiH, broj:10-07.12-2-8412-6/18 od 18.06.2021. godine – ovjerena fotokopija od 25.04.2023. godine,

Dokumenti navedeni u stavu 1. ovog člana evidentirani su u Zapisniku o pregledu i ocjeni ponuda, broj: 01-2.13-1845/23 od 08.05.2023. godine, a u Tenderskoj dokumentaciji, broj: 01-2.12-1633/23 od 20.04.2023. godine, u tački 2.USLOVI ZA KVALIFIKACIJU I

POTREBNI DOKAZI, podtačka 2.3., propisano je da ponuđač može u ponudi dostaviti ovjerenu fotokopiju dokumentacije iz podtački 2.1. i 2.2. tenderske dokumentacije, te u slučaju da bude odabran kao najpovoljniji ponuđač ne mora ponovo dostavljati ovjerenu fotokopiju dokumentacije.

#### Član 5.

Izabrani ponuđač dužan je u roku od 3 dana, od dana zaprimanja obavještenja o rezultatima ovog postupka, preduzeti radnje opisane u alineji f) podtačke 2.3. tenderske dokumentacije, odnosno da aplikuje sve reagense, postavi sve parametre analiza: primarne parametre, parametre provjere, sekundarne parametre, minimalne i maksimalne absorbance, limit testa abs, inicijalne absorbance, delta abs, finalne abs, prozon abs, limite faktora, podesi parametre za urinske uzorke, te da izvršiti sve kalibracije i kontrole, a da kontrole uradi najmanje 5 puta zaredom da se utvrdi reproducibilnost koja će morati biti u dozvoljenim granicama (+/- 1SD-2SD).

#### Član 6.

Ova odluka stupa na snagu danom donošenja.

#### Obrazloženje

Obavještenjem o nabavci br. 638-7-1-98-3-55/23 koje je objavljeno na portalu javnih nabavki dana 20.04.2023. godine i u „Službenom glasniku BiH“, br.30 od 28.04.2023. godine, pokrenut je konkurentski zahtjev za dostavu ponuda za nabavku reagenasa za biohemijski analizator BT 4500 -LOT 1 – REAGENSI ZA BIOHEMIJSKI ANALIZATOR BT 4500 za JU „Dom zdravlja“ Zavidovići za period od 12 mjeseci.

Tendersku dokumentaciju za predmetnu nabavku sa portala javnih nabavki preuzela su 4 ponuđača i to: BROMA BEL D.O.O. BANJA LUKA, EKAPIJA DOO, BBS EUROPE i KRAJINAGROUP D.O.O. BANJA LUKA.

Na adresu JU Dom zdravlja Zavidovići dostavljena je jedna ponuda i to: Broma bel d.o.o. Banja Luka.

Komisija za javne nabavke (u daljem tekstu: Komisija) je izvršila otvaranje ponuda dana 04.05.2023. godine u Sali za sastanke u JU «Dom zdravlja» Zavidovići u 15,15 sati, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da ponuda odgovara uslovima iz tenderske dokumentacije, odnosno da je prihvatljiva ponuda.

U postupku pregleda ponude ponuđača Broma bel d.o.o. Banja Luka za nabavku reagenasa za biohemijski analizator BT 4500 - **LOT 1 Reagensi za biohemijski analizator BT 4500**, za JU «Dom zdravlja» Zavidovići za 12 mjeseci, po obavještenju o nabavci, broj: **638-7-1-98-3-55/23**, provjerom računске ispravnosti iste, utvrđena je računska greška koja se ogledala u pogrešnom umnošku jedinične cijene i količine robe, iskazanoj u Obrascu za cijenu ponude- ANEKS 3 (za LOT 1), broj: 411/23, za stavku 19. (Gama GT reagens, 5x20 ml/1x25ml), kolona 6. „Ukupna cijena po stavki - bez PDV-a (4x5)“.

Greška u stavci 19. (Gama GT reagens, 5x20 ml/1x25ml) za rezultat imala je i pogrešnu ukupnu cijenu ponude bez PDV-a i ukupnu cijenu ponude sa PDV-om.

Članom 5. stav 4. Uputstva za pripremu modela tenderske dokumentacije i ponuda propisano je da prilikom ispunjavanja obrasca za cijenu ponude ponuđač ukupnu cijenu stavke izračunava kao: a) proizvod količine stavke i cijene stavke, dok je stavu 2. člana 17. Uputstva za pripremu modela tenderske dokumentacije i ponuda, propisano da kada izračuni vezani za pojedinačne stavke iz obrasca za cijenu ponude ili cijena ponude bez poreza na dodatnu vrijednost navedeni u ispunjenom obrascu za cijenu ponude u ponudi ne odgovaraju metodologiji definisanoj u članu 5. ovog uputstva, ugovorni organ ih ispravlja u skladu sa metodologijom iz člana 5. ovog uputstva.

Članom 5. Stavom 2. tačka c) Uputstva za pripremu modela tenderske dokumentacije i ponuda, definisano je da svaka stavka u obrascu za cijenu ponude, između ostalog, sadrži i polja kojima se navodi količina stavke (tačna količina stavke, okvirna količina stavke, predviđena količina stavke ili procijenjeni udio stavke).

Provjerom računске ispravnosti u skladu sa propisanom metodologijom u Obrascu za cijenu ponude- ANEKS 3 (za LOT 1), broj: 411/23, utvrđeno je da je ponuđač stavku 19. (Gama GT reagens, 5x20 ml/1x25ml popunio na način kako slijedi:

Stavka	Opis roba - opis lota	JM	Količina	Jedinična cijena bez PDV-a (uključujući dostavu i ostale troškove)	Ukupna cijena po stavki - bez PDV-a (4x5)
1	2	3	4	5	6
19	Gama GT reagens, 5x20 ml/1x25ml	pak	8	39,00	234,00

Članom 17. stav (5) Uputstva za pripremu modela tenderske dokumentacije i ponuda ("Službeni glasnik BiH", broj: 90/14), propisano je da se jedinična cijena stavke ne smatra računskom greškom, odnosno ne može se ispravljati.

U skladu sa naprijed datom jediničnom cijenom i ukupnom cijenom za artikal pod rednim brojem 19. **Gama GT reagens, 5x20 ml/1x25ml**, u Obrascu za cijenu ponude-robe, br. 411/23 - Aneks 3, ponuđač je naveo da ukupna cijena ponude bez PDV-a iznosi **34.374,38** KM bez PDV-a, a sa PDV-om ukupna cijena ponude iznosi **40.218,02** KM.

Navedeni iznosi upisani su i u zapisniku o otvaranju ponuda, broj: 01-2.13-1798/23 od 04.05.2023. godine.

Međutim, **kontrolom računске ispravnosti ponude primjenjujući** član 5. stav 4. i stav 2. člana 17. Uputstva za pripremu modela tenderske dokumentacije i ponuda, i to množenjem tražene količine i ponuđene jedinične cijene, a imajući u vidu stav 5. člana 17. Uputstva za pripremu modela tenderske dokumentacije, prema kojem se jedinična cijena stavke ne smatra računskom ispravnosti, odnosno ne može se ispravljati, Komisija za javne nabavke utvrdila je da ukupna cijena stavke 19. **Gama GT reagens, 5x20 ml/1x25ml**, bez

PDV-a (uključujući dostavu i ostale troškove) sa ponuđenom jediničnom cijenom pakovanja od 39,00 KM treba da glasi:

Stavka	Opis roba - opis lota	JM	Količina	Jedinična cijena bez PDV-a (uključujući dostavu i ostale troškove)	Ukupna cijena po stavki - bez PDV-a (4x5)
1	2	3	4	5	6
19	Gama GT reagens, 5x20 ml/1x25ml	pak	8	39,00	312,00

U skladu sa navedenom ispravkom cijene za stavku 19.Gama GT reagens, 5x20 ml/1x25ml, ukupna cijena ponude za reagense za biohemijski analizator BT 4500 - **LOT 1 Reagensi za biohemijski analizator BT 4500 za JU «Dom zdravlja» Zavidovići za 12 mjeseci treba da glasi:34.452,38 KM bez PDV-a, a sa PDV-om ukupna cijena ponude treba da glasi 40.309,28 KM.**

Komisija je odlučila da u ovoj fazi prekine rad na daljem postupku ocjene ponude te da uputi ponuđaču Broma bel d.o.o. Banja Luka zahtjev za prihvatanje ispravke računске greške u ponudi, a shodno stavu 5. člana 17. Uputstva za pripremu modela tenderske dokumentacije i ponuda.

Odgovor po zahtjevu za prihvatanje ispravke računске greške u ponudi ponuđač je trebao dostaviti do 12.05.2023. godine do 13,00 sati.

Dana 10.05.2023. godine Komisija za javne nabavke sa početkom u 15,00 sati nastavila je rad na pregledu i ocjeni ponude, jer je ponuđač Broma bel d.o.o. Banja Luka dana 10.05.2023. godine, putem e-maila u 12:26 sati, dostavio akt br.412/23 od 10.05.2023. godine –Ispravka greške u kojem navodi da su saglasni sa dopisom br. 01-2.15-1858/23 od 10.5.2023.godine, te da prihvataju da ukupna cijena stavke **19.Gama GT reagens, 5x20 ml/1x25ml iznosi 312,00 KM bez PDV-a, a da ukupna cijena ponude za reagense za biohemijski analizator BT 4500 - iznosi 34.452,38 KM bez PDV-a, a sa PDV-om ukupna cijena ponude treba da glasi 40.309,28 KM.**

Nakon provedenog postupka ocjene prihvatljive ponude prema utvrđenom kriteriju-najniža cijena, Komisija je dala preporuku da se ponuda ponuđača Broma-bel d.o.o. Banja Luka prihvati kao najpovoljnija za nabavku reagenasa za biohemijski analizator BT 4500 - **LOT 1 Reagensi za biohemijski analizator BT 4500 za JU «Dom zdravlja» Zavidovići** u količini potrebnoj za 12 mjeseci, koja je u provedenom konkurentskom zahtjevu, imala najnižu cijenu u ukupnom iznosu od 34.452,38 KM bez PDV-a, a sa PDV-om ukupna cijena ponude treba da glasi 40.309,28 KM.

U ovom postupku nabavke predviđeno je provođenje e-aukcije.

E-aukcija je način provođenja dijela postupka javne nabavke, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu e-Nabavke.

Nakon pregleda i ocjene ponuda za nabavku reagenasa za biohemijski analizator BT 4500- **LOT 1 Reagensi za biohemijski analizator BT** za JU «Dom zdravlja» Zavidovići u količini potrebnoj za 12 mjeseci, utvrđeno je da je samo jedna ponuda prihvatljiva, usljed čega nije ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine), jer je u članu 3. istog Pravilnika propisano:

“U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.“

Kako se e-aukcija nije mogla zakazati ovaj ugovorni organ je postupio u skladu sa članom 3. Pravilnika o uslovima i načinu korištenja e-aukcije i mišljenjem Agencije za javne nabavke br. 04-02-2-1924-2/17 od 10.05.2017. godine.

U mišljenju Agencije za javne nabavke navedeno je da ukoliko smo u postupku javne nabavke zaprimili jednu prihvatljivu ponudu, a bili smo predvidjeli provođenje e-aukcije, koju nismo mogli zakazati, jer smo zaprimili samo jednu prihvatljivu ponudu, možemo nastaviti postupak nabavke i saglasno članu 69. stav (1) tačka a) Zakona, dodijeliti ugovor, te da informacije o predviđenoj e-aukciji i neodržavanju iste trebamo navesti navesti u zapisniku o evaluaciji ponuda.

Kako ugovorni organ nema mogućnost da zakaže planiranu e-aukciju iz razloga što je primio samo jednu prihvatljivu ponudu, to će okončati ovaj postupak nabavke u skladu sa članom 69. Zakona o javnim nabavkama, odnosno dodjelom ugovora ponuđaču koji je dostavio prihvatljivu ponudu u skladu sa zahtjevima iz tenderske dokumentacije.

Cijeneći pravilnost provedenog konkurentskog zahtjeva za dostavu ponuda za nabavku reagenasa za biohemijski analizator BT 4500- **LOT 1 Reagensi za biohemijski analizator BT**, te datu preporuku od strane Komisije za javne nabavke odlučeno je kao u dispozitivu ove Odluke.

**PRAVNA POUKA:** Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbu putem ugovornog organa u pisanoj formi direktno, elektronskim putem ako je elektronsko sredstvo definisano kao način komunikacije u tenderskoj dokumentaciji ili preporučenom poštanskom pošiljkom u najmanje tri primjerka.

**DOSTAVLJENO:**

1. Broma bel d.o.o. Banja Luka
2. a/a



**PREDSJEDNIK**

**UPRAVNOG ODBORA:**

Mehić Elvir, dipl. pravnik